



Na osnovu člana 5. i 19. Zakona o budžetima Federacije Bosne i Hercegovine ("Službene novine Federacije Bosne i Hercegovine", broj 19/06, 76/08, 5/09, 32/09, 51/09, 9/10, 36/10, 45/10 i 25/12) i člana 28. Statuta Općine Ilidža – prečišćeni tekst ("Službene novine Kantona Sarajevo", broj 33/10), Općinsko vijeće Ilidža na 12. redovnoj sjednici održanoj dana 26.12.2013.godine donijelo je

BUDŽET OPĆINE ILIDŽA ZA 2014.godinu

Član 1.

Budžet Općine Ilidža za 2014.godinu sastoji se od:

<i>R.B.</i>	<i>Opis</i>	<i>Iznos</i>
1.	Prihodi	21.550.000,00
2.	Rashodi i izdaci	21.550.000,00
	Višak/manjak	0

Član 2.

Prihodi i rashodi i izdaci po grupama utvrđuju se u Bilansu prihoda i rashoda za 2014.godinu.

Bilans prihoda i rashoda za 2014.godinu

<i>Konto</i>	<i>Opis</i>	<i>Iznos</i>
	A. PRIHODI	
710000	Prihodi od poreza	5.657.087,45
720000	Neporezni prihodi	10.153.612,55
730000	Tekući transferi	5.739.200,00
770000	Prihodi po osnovu zaostalih obaveza	100,00
	SVEGA	21.550.000,00

	B. RASHODI I IZDACI	
610000	Tekući rashodi	20.937.000,00
820000	Kapitalni izdaci	613.000,00
	SVEGA	21.550.000,00

Član 3.

Sastavni dio Budžeta Općine Ilidža za 2014.godinu čini pregled po kontima - Budžet Općine Ilidža za 2014.godinu.

Član 4.

Budžet Općine Ilidža za 2014.god. stupa na snagu narednog dana od dana objavljivanja u "Službenim novinama Kantona Sarajevo", a primjenjivat će se od 01.01.2014.god.

PREDSJEDAVAJUĆA

Smiljana dr Viteškić

Broj: 01-02-5354/13-2a
Ilidža, 26.12.2013.godine





Na osnovu člana 5. stav 2. Zakona o budžetima u Federaciji Bosne i Hercegovine ("Službene novine Federacije Bosne i Hercegovine", broj 19/06, 76/08, 5/09, 32/09, 51/09, 9/10, 36/10, 45/10 i 25/12), i člana 28. Statuta općine Ilidža - prečišćeni tekst ("Službene novine Kantona Sarajevo", broj 33/10), Općinsko vijeće Ilidža na 12.redovnoj sjednici održanoj dana 26.12.2013.godine, *donijelo je*

ODLUKU o izvršavanju Budžeta Općine Ilidža za 2014.godinu

I OPĆE ODREDBE

Član 1.

Ovom Odlukom uređuje se: struktura prihoda i primitaka, rashoda i izdataka Budžeta Općine Ilidža za 2014.god. (u daljem tekstu: Budžet) njegovo izvršavanje, prioriteti plaćanja, zaduživanje i finansijsko izvještavanje.

II STRUKTURA PRIHODA I PRIMITAKA TE RASHODA I IZDATAKA

Član 2.

- (1) Budžet se sastoji od Općeg i Posebnog dijela; Finansijskog plana Općine Ilidža za period 2012.g. – 2016.g., Plana korištenja sredstava naknade za izgradnju i održavanje skloništa Općine Ilidža za 2014.godinu i Plana korištenja sredstava ostvarenih od posebne naknade za zaštitu od prirodnih i drugih nesreća Općine Ilidža za 2014.godinu.
- (2) Opći dio Budžeta sastoji se od Računa prihoda i rashoda za 2014.godinu.
- (3) Posebni dio Budžeta sastoji se od plana prihoda i primitaka i rashoda i izdataka raspoređenih u tekuće i razvojne programe za tekuću budžetsku godinu, predviđene Strategijom razvoja Općine Ilidža za period 2008.–2013.godinu.
- (4) Finansijski plan Općine Ilidža za period 2012.–2016.god. sastoji se od plana prihoda i primitaka i rashoda i izdataka za period od 2012. do 2016.godine, koji se ažurira po izradi završnog računa.
- (5) Plan korištenja sredstava naknade za izgradnju i održavanje skloništa Općine Ilidža za 2014.godinu sastoji se od plana prihoda i rashoda tj. korištenja sredstava u namjene propisane Članom 62. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", br. 39/03, 22/06 i 43/10) i Odlukom o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća ("Službene novine Federacije BiH", br. 4/12, 80/13).

- (6) Plan korištenja sredstava ostvarenih od posebne naknade za zaštitu od prirodnih i drugih nesreća Općine Ilidža za 2014.god. sastoji se od plana prihoda i rashoda – tj. korištenja sredstava u namjene propisane Članom 184. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", br. 39/03, 22/06 i 43/10) i Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća ("Službene novine Federacije BiH", br. 4/12, 80/13)

Član 3.

Račun prihoda i rashoda Budžeta sastoji se od:

1. Prihoda i primitaka:
 - prihoda od poreza utvrđenih zakonom (čije usklađenje se vrši na bazi B-2 obrasca),
 - neporeznih prihoda i putarina iz ranijih godina utvrđenih propisima i općinskim odlukama: prihoda ostvarenih obavljanjem osnovne djelatnosti, prihodi od kamata na depozite u banci i ostalih prihoda od imovine, komunalnih taksi, općinskih i posebnih naknada i drugo.
 - tekućih transfera od raznih nivoa vlasti (primljeni tekući transferi od Kantona Sarajevo koji se doznavačavaju kao mjesečne dotacije, a služe za finansiranje rada općinskih službi i dijela materijalnih troškova) i namjenska sredstva raznih nivoa vlasti za pojedine namjene i projekte.
 - Primici
2. Rashoda i izdataka i to:
 - rashoda za zaposlene, kao što su izdaci za plaće i naknade, naknada općinskih zastupnika, naknade za rad komisija sa pripadajućim porezima, doprinosima i naknadom,
 - izdataka za materijal i usluge,
 - tekućih transfera i drugih tekućih rashoda,
 - kapitalnih transfera i
 - kapitalnih izdataka (za nabavku stalnih sredstava)

III IZVRŠAVANJE BUDŽETA

Član 4.

Sredstva Budžeta se obezbjeđuju i koriste za namjene utvrđene Budžetom i Planovima korištenja sredstava posebnih namjena.

Budžet izvršava Općinski načelnik u skladu sa Zakonom i osigurava primjenu odluka i drugih akata Općinskog vijeća.

Član 5.

Budžet se izvršava u skladu sa prilivom sredstava a u slučaju poremećaja tj. nedostatka sredstava za izvršenje, obaveze se realizuju po sljedećim prioritetima:

- | | |
|---------------------|---|
| I red prioriteta: | carine i porezi po posebnim propisima |
| II red prioriteta: | doprinosi na teret poslodavca i na teret osiguranika |
| III red prioriteta: | ostali javni prihodi po posebnim propisima (takse) |
| IV red prioriteta: | izvršne sudske Odluke (presude, rješenja, platni i drugi nalozi redovnih sudova ...) i konačna rješenja organa uprave (kontrolnih organa i dr.) |



V red prioriteta: otplate obaveza po kreditu, plaće, pomoći u slučaju smrti ili teže invalidnosti, otpremnine za odlazak u penziju, obaveze za prevoz sa posla i na posao, izdaci za topli obrok, dnevnice za službena putovanja, naknade općinskih zastupnika, regres za godišnji odmor, jubilarne nagrade, obaveze po osnovu nabavke roba i usluga, izdaci za materijal i usluge, nabavke stalnih sredstava, tekući grantovi i kapitalni grantovi.

Izuzetno, u slučaju uplate namjenskih sredstava i donacija (i koje nisu planirane Budžetom) realizacija obaveza se vrši u visini tih sredstava bez obzira na utvrđene prioritete, a o tome se obavještava Općinsko vijeće.

Član 6.

U postupku nabavke roba, radova i usluga, Općinski načelnik je dužan pridržavati se odredaba Zakona o javnim nabavkama Bosne i Hercegovine ("Službeni glasnik BiH", br. 49/04, 19/05, 52/05, 92/05, 94/05, 8/06, 24/06, 70/06, 12/09 i 60/10) kao i procedura i postupaka propisanih podzakonskim aktima.

IV ZADUŽIVANJE

Član 7.

Općina Ilidža može stvarati obaveze po osnovu zaduživanja u skladu sa Zakonom o budžetima u Federaciji Bosne i Hercegovine ("Službene novine Federacije Bosne i Hercegovine", br. 19/06, 76/08, 5/09, 32/09, 51/09, 9/10, 36/10, 45/10 i 25/12) i Zakonom o dugu, zaduživanju i garancijama u Federaciji Bosne i Hercegovine ("Službene novine Federacije Bosne i Hercegovine", br. 86/07, 24/09 i 44/10) na osnovu Odluke Općinskog vijeća, a na prijedlog Općinskog načelnika.

V FINANSIJSKO IZVJEŠTAVANJE

Član 8.

Općinski načelnik podnosi Općinskom vijeću informaciju o izvršenju Budžeta za šest mjeseci u roku od 30 dana od završetka izvještajnog perioda i Godišnji izvještaj o izvršenju Budžeta u roku od 60 dana od završetka fiskalne godine.

Finansijski izvještaji se objavljuju u "Službenim novinama Kantona Sarajevo" u roku od deset dana od dana njihovog donošenja.

Općinski načelnik podnosi mjesečni, kvartalni, polugodišnji i godišnji izvještaj o izvršenju Budžeta na propisanim obrascima Poreskoj upravi, Upravi za indirektno oporezivanje, Kantonu Sarajevo i AFIP-u u skladu sa Zakonom.

Općinski načelnik podnosi Komisiji za budžet, privredu, finansije i ekonomska pitanja kvartalni izvještaj o izvršenju Budžeta u formi koju je odredila Komisija.

VI ZAVRŠNE ODREDBE

Član 9.

Na pitanja koja nisu regulisana ovom Odlukom, primjenjivaće se Zakon o budžetima u Federaciji Bosne i Hercegovine.



Član 10.

Ova Odluka stupa na snagu narednog dana od dana objavljivanja u "Službenim novinama Kantona Sarajevo", a primjenjivat će se od 01.01.2014.god.

PREDSJEDAJUĆA

Smiljana dr Viteškić

Broj: 01-02-5354/13-2b
Ilidža, 26.12.2013.godine

